



SOUTH AUSTRALIA POLICE
KEEPING SA SAFE



NYIRI NYANGATJA TJUKURPA PULITJAMUNUTJARA

**NGURA NYANGA SOUTH AUSTRALIALA PULITJAMUNU UWANKARANGKU
KALKURA WANGKANGU ANANGU NGURA WINKITJA WIRURA ATUNYMARA**

PULITJAMUNUNGKU ALPAMILANTJAKU MUKURINGKUNYTJA:

Uwa, nyuntu tjinguru pulitjamunungka alpamilantjaku tjapini ka nganapa nyuntumpa tjukurpa kulira mulamulangku kulilku nyuntumpa kuraringkunyitja wiyangku

- Munula nyuntunya wirura purkarangku wangkaku pauntjingara wangkanyitja wiyangku
- Nganapa pukultu wangkaku mirpantjangu wangkanyitja wiyangku
- Munula ara nyuntumpa kulintjatjanungku tjukurpa tjukaruru kutju nyuntunya wangkaku ngunti-ngunti wangkanyitja wiyangku panya nganapa nyuntunya mulamulangku alpamilantjikitja mukuringanyi

Uwa, munu nyuntu alpamilantjaku tjapinnyangka nganapa nyuntunya pulitjamunuku tjukurwanungku alpamilalku mulamulangku:

- Nganapa tjukurpa nyuntumpa kulira nyuntunya tjakultjungkuku yaaltjingara alpamilantjikitjangku pulitjamunuku tjukurwanungku
- Nganapa phone nampa nyuntunya ungkuku nganapanya ngula ringamilantjaku munula nampa kutjupa kulu nyuntunya ungkuku, panya ngula nganapanya ringamilarampa nampa palunya wangkanyitjaku, kala nampa palunya kulira ara panya nyuntumpa kulilku
- Kutjupa-ara nyuntumpa tjukurpa kulira nganapa tjinguru kulilku, "Wiya nyangatja pulitjamunuku waaka wiya, nganampa wiya. Nyangatja anangu kutjupaku warka." Alatji kulirampala nyuntunya nintilku anangu kutjupakutu ankula tjapintjaku, paluru tjana nyuntunya alpamilantjaku
- Palu tjinguru tjukurpa nyuntumpa kulira nganapa alpamilantjikitjangku kulilku munula palulanguru nyuntunya wangkaku nyaaringkuku kuwaringuru
- Munula nyuntunya tjukarurungku wangkaku nganapa pulitjamunungku nyaa palyalku, munula nyaa putu palyalku. Munula yaalara palyantjikitjangku kulu wangkaku
- Uwa, nganapa ngunti wangkanyitja wiyangku tjukarurungku kutju nyuntunya wangkaku

Uwa, nganapa ngunti wangkanyitja wiyangku tjukarurungku kutju nyuntunya wangkaku:

- Nganapa nyuntumpa tjukurpa kulilku munula tjinguru tjukurpa kutjupa tjuṯa kulū ngurira kulilku ara panya palunyatjara panya nyuntu wangkanyitja-tjara. Tjingurula anangu kutjupa tjuṯangka kulū tjapira kulilku
- Munu nyara palulanguru uwankara kulintjatjanungku nganapa tjinguru palyanmankuku alpamilantjikitjangku munta tjingurula kulira wangkaku, "Wiya, nyangatja pulitjamunuku warka wiya. Kuwarila wantinyi ka kutjupangku nyuntunya alpamilalku"

Palu nyuntunya alpamilantjikitjangku wangkarampa nganapa nyuntumpa phone nampa walkatjungkuku mununku ngura ini kulū. Munula tjinguru nyuntu wangkanyangka

kutjupa kutjupa palyalku munula palyantjatjanungku nyuntunya tjakultjungkuku nyuntu kulira ninti nyinanyitjaku. Munula palu purunypatu rawangkuṯu nyuntunya tjakultjunama nganapa nyuntumpa aranguru palyantjatjanungku

- Tjingurula nyuntula tjapilku alatji, "Yaalarala nyuntunya ringamilara tjakultjungkuku?" Munta tjingurula nyuntumpa ngurangka wirkara wangkaku, palya? Yaalara nyuntu ngurangka nyinanyi." Alatjila tjapilku ngula nyuntula tjakultjungkunyitjikitjangku

PALU KUTJUPA-ARA NGANAPA TJINGURU NYUNTUNYA LAW KATANTANKUNYANGKA NYANGANYI. MUNTA TJINGURU ANANGU KUTJUPANGKU NYUNTU KATANTANKUNYANGKA NYAKULA NGANAPANYA TJAKULTJUNANYI, KALA PALULANGURU MA-WIRKARA NYUNTUNYA WANGKANYI MUNUNTA TJINGURU WITINI. KA ARA NYANGA PALU PURUNYPA NGARANYANGKA NGANAPA TJUKARURUNGKU PLYALKU, PANYA NGANAMPA TJUKURPA NGARANYI PULITJAMUNUKU NGANAPA NGUNTI-NGUNTI PLYANTJAKU-TAWARA:

Nganapa tjinguru nyuntunya nyanganyi anangu miri kutjupa, tjinguru wangka kutjupa, palu pala palulanguru nganapa nyuntunya wangkara kurantja wiyangku wantiku:

- Nganapa nyuntunya purkarangku wangkara tjapilku munula nyuntunya miringuru, wangkanguru, mantaranguru kulū ngunti kurantja wiyangku wantiku
- Nganapa tjukarurungku palyalku nganampa law katantankunyitja wiyangku

Munu nganapa nyuntunya tjukarurungku wangkaku nyuntu nyaaringkunyitjaku

- Panya law palya ngaranyi anangu uwankaraku ngura winkingka nyuntu nganapa ngapartji-ngapartjingu atunymara kanyintjaku. Ka pala palulanguru nganapa pulitjamunungku nyuntunya tjukarurungku palyalku law-wanungku kutjupangku nyuntunya ngunti kurantjaku-tawara
- Munula nyuntunya tjukarurungku wangkaku nyuntu uti kulintjaku kuwari nyaaringanyi
- Munula nyuntunya nyiri kutjupa kutjupa nintilku panya kapamantangku alatji nintintjaku wituwituṯu, ka panya nyuntu nyiri palunya nyakula kulilku, "Munta-uwa, nyangatja tjukarurungku palyani."
- Ka nyuntu nganapanya tjapinnyangkala tjukarurungku wangkaku ngunti wangkanyitja wiyangku. Tjingurula wangkaku, "Nyanga alatji kuwari ngaranyi." Munta tjingurula wangkaku, "Wiya, palya, ngulala nyuntunya wangkaku tjukurpa mulapa kulintjatjanungku"



Government
of South Australia